

«ԽՄԵԼՈՒ ԵՎ ՈՌՈԳՄԱՆ ՋՐԻ ՀԱՄԱԿԱՐԳԵՐԻ ԲԱՐԵԼԱՎՈՒՄ» ԾՐԱԳԻՐ

1.	Ծրագրի նպատակը	Հայաստանի Հանրապետության Արագածոտնի, Գեղարքունիքի, Լոռու, Շիրակի, Սյունիքի, Տավուշի, Վայոց ձորի, Կոտայքի մարզերի բնակավայրերում խմելու և ոռոգման ջրի համակարգերի վերանորոգում և վերակառուցում՝ բարելավելու շահառուների սոցիալ-տնտեսական պայմանները:
2.	Ծրագրի բարեգործական որակման նպատակը	Օգտվել Հայաստանի Հանրապետության հարկերի, տուրքերի, պարտադիր վճարների գծով օրենքով սահմանված արտոնություններից:
3.	Բարեգործը	<p>1) «Շէն-Ֆրանսիա» բարեգործական կազմակերպություն (հասցե՝ 24 րյու դը Մոբյուժ, 75009, Փարիզ, Ֆրանսիա).</p> <p>2) Հաց աշխարհին - Գերմանիայի Եկեղեցիների ընկերակցություն (հասցե՝ Կարոլին Միշլեգ փողոց 1, 10115, Բեռլին, Գերմանիա).</p> <p>3) Շվեյցարիայի Միջեկեղեցական աջակցություն (ՀԷԿՍ-ԷՊԵՌ) (հասցե՝ Սեմինարշտրասսե 28, 8042 Յյուրիխ, Շվեյցարիա).</p> <p>4) «Յակեզյան հիմնադրամ» (հասցե՝ 1005 Էլջին ստրիթ Ուեսթ, Սուիթ 200, Քոբուրգ, Օստարիո, Կանադա).</p> <p>5) «Կոկա-կոլա» հիմնադրամ (Կոկա-կոլա պլազա 1, Նորթ Ուեսթ, Ատլանտա, Ջորջիա, 30313):</p>
4.	Ծրագիրը կատարողը	«Շէն» բարեգործական հասարակական կազմակերպություն (Հայաստանի Հանրապետություն, քաղաք Երևան, Նալբանդյան 110, ՀՎՀՀ՝ 01503283):
5.	Ծրագրի իրականացման վայրը և բնագավառը	Հայաստանի Հանրապետության Արագածոտնի, Գեղարքունիքի, Լոռու, Շիրակի, Սյունիքի, Տավուշի, Վայոց ձորի, Կոտայքի մարզերի բնակավայրեր, բնագավառը՝ ջրամատակարարում:

6.	Ծրագրի բյուջեն	229,449,000 դրամ:
7.	Բարեգործություն ստացողը	<p>Ծրագրի շահառուներն են Հայաստանի Հանրապետության Արագածոտնի, Գեղարքունիքի, Լոռու, Շիրակի, Սյունիքի, Տավուշի, Վայոց ձորի, Կոտայքի մարզերի համայնքները:</p> <p>Բնակավայրերը, որտեղ կիրառործվեն խմելու և ոռոգման ջրի համակարգերի բարելավման ծրագրեր, կրնտրվեն «Շեն» բարեգործական հասարակական կազմակերպության ուսումնասիրությունների միջոցով՝ հաշվի առնելով Հայաստանի Հանրապետության կառավարության 2021 թվականի օգոստոսի 18-ի N 1363-Ա որոշմամբ հաստատված հավելվածի 3-րդ բաժնի 3.3-րդ գլուխը:</p>
8.	Ծրագրի իրականացման տևողությունը	2024 թվականի փետրվարի 1-ից մինչև 2028 թվականի դեկտեմբերի 31-ը
9.	Միջոցառումների նկարագրությունը և ժամկետները, անհրաժեշտ ֆինանսական միջոցների ծավալը	<p>1) Խմելու և ոռոգման ջրերի համակարգերի վերանորոգում և վերակառուցում՝ 97,778,000 դրամ արժողությամբ, նախատեսվում է իրականացնել 2024 թվականի փետրվարի 1-ից մինչև 2028 թվականի դեկտեմբերի 31-ն ընկած ժամանակահատվածում:</p> <p>2) Շինմոնտաժային տեխնիկայի, շինանյութերի, պոլիէթիլենային և մետաղական խողովակների, խողովակի միացման մասերի, դիտահորերի, բաժանարարների ու փականների ձեռքբերում կամ ներմուծում՝ 131,671,000 դրամ, նախատեսվում է իրականացնել 2024 թվականի փետրվարի 1-ից մինչև 2028 թվականի դեկտեմբերի 31-ն ընկած ժամանակահատվածում: Ծրագրի շրջանակներում ձեռք բերված շինմոնտաժային տեխնիկական հետազայում կօգտագործվի նոր բարեգործական ծրագրեր իրականացնելու նպատակով:</p>
10.	Ձեռք բերվող (ներմուծվող) ապրանքների ու ծառայությունների համառոտ նկարագիրը, ծավալները և նախատեսվող գինը	<p>1) Խմելու և ոռոգման ջրերի համակարգերի վերանորոգման և վերակառուցման աշխատանքների իրականացում՝ 97,778,000 դրամ արժողությամբ:</p> <p>2) Շինմոնտաժային տեխնիկայի, շինանյութերի, պոլիէթիլենային և մետաղական խողովակների, դիտահորերի, խողովակի միացման մասերի, բաժանարարների ու փականների ձեռքբերում կամ ներմուծում՝ 131,671,000 դրամ արժողությամբ:</p>

11.	Ծրագրի իրականացման հետ կապված կազմակերպական ծախսերը	Նախատեսված չեն:
12.	Համագործակցությունը պետական կառավարման, տեղական ինքնակառավարման մարմինների, այլ կազմակերպությունների հետ	Համագործակցությունը նախատեսված է Հայաստանի Հանրապետության տարածքային կառավարման և ենթակառուցվածքների նախարարության, ինչպես նաև նշված մարզերի տեղական ինքնակառավարման մարմինների հետ:
13.	Ծրագրի արդյունավետության նկատմամբ վերահսկողության մեխանիզմների նկարագրությունը	Համաձայն պայմանագրերում նշված ժամկետների՝ շտրիհատու կազմակերպությունները կիրականացնեն ծրագրերի անկախ վերահսկում: Հայաստանի Հանրապետության կառավարության 2003 թվականի հունվարի 16-ի N 66-Ն որոշմամբ հաստատված՝ բարեգործական ծրագրերը բարեգործական որակելու և գրանցելու կարգի 25-րդ կետով սահմանված կարգով բարեգործության ոլորտը համակարգող լիազորված մարմին կներկայացվեն տեղեկություններ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱՊԵՏ

Տ. ԽԱՉԱՏՐՅԱՆ